



## Minafon Anapanap ren Kapas eis me Ponuwan (Q&A)

Ewe minafon anapanap ren angangen anisi feiengawen ewe semwen epwe anisi tumwunun chon Oregon non ei fansoun winter me spring. Ekiseno ra touroto opposun COVID-19. Nge ren iei, pwan tori ach sipwe nomw won ewe koukun chon repwe angei opposun eppetin ewe samwaau, sipwe chok sopweno ne fori ekkei angangen ekukunano efeiengawan.

### **Q: Pwata Oregon a ekkesiwin seni ekkewe phase ngeni ei minafon anapanap?**

**A:** Ekkewe phase rese mutata chommong sokkun mwokutukut. Ewe minafon anapanap a ekis mecheres an epwe wor mwokutukutun non nge fiti ngeni met onnuk mei kawor.

### **Q: Ifan usun angangen ewe minafon anapanap?**

**A:** Omw kopwe weweiti angangen ewe minafon anapanap, mei auchea kopwe sinei unungat mettoch:

1. Ewe minafon anapanap e anongonong won ewe [metric data an sukun](#).
2. Ekkewe 36 sopwun non Oregon ra kinikinitiw non unungat kinikin ika kumi fan iten ewe anapanap:
  - Ekkewe watten sopw mei nap seni 30,000 aramas mei nonomw
  - Ekkewe sopw mei ukukoch chon nonomw non mei chok nefinen 15,000 me 30,000 aramas
  - Ekkewe kukkun sopw mei chok chokukun seni 15,000 aramas mei nonomw
3. Ewe minafon anapanap mei kinietiw ekkewe koukun efeiengawen ewe samwaau won unungat tetenin anongonong won chounon ewe COVID-19:
  - Mei Kukun Efeiengawan
  - Ukukoch Efeiengawan
  - Watte Efeiengawan
  - Wossen Watte Efeiengawan

**Q: Ifan usun an ekkewe sopw nomw non kinikinin ekkewe tetenin efeiengawen ewe semwen?**

**A:** Ren ekkewe watten sopw (chochon aramas >30,000), ewe ukukun chon positive mei ew me non ruw metric ren ach sipwe apacha ika kuta koukun efeiengawen ewe semwen. Ewe pwan ew factor iwe ewe ukukun case ren 100,000. Ren nikounusen angangen ach sipwe kuta koukun iwe mei pwano me ren iakewe mei watte angangen onnuku mettoch esapw fis. Iwe, awewe chok, ika pwe ewe Sopw itan Josephine mei nomw non tetenin Ukukoch ren ukukun me tetenin Wosen Watte efeiengawan ren pesenin chon ir mei positive, iwe ewe sopw epwe nomw non tetenin ekkewe mei watte mettoch mei onnuk esapw fis, ewe tetenin Wosen Watte Efeiengawan.

Ren ekkewe sopw mei chok ukukoch (chochon aramas 15,000 ngeni <30,000), ewe ukukun chon positive mei ew me non ruw metric ren ach sipwe apacha ika kuta koukun efeiengawen ewe semwen. Ewe pwan ew iwe ewe ukukun case mei wor. Ren nikounusen angangen ach sipwe kuta koukun iwe mei pwano me ren iakewe mei watte angangen onnuku mettoch esapw fis.

Ren ekkewe kukun sopw (chochon aramas <15,000), ewe chok namapan case mei wor ina met sie aea ne kuta ika mei nomw non meni tetten ren efeienawen ewe samwaau.

**Q: Ifan tamen an ew sopw epwe tongeni nomw fan ew tetten murin a siwin ngeni pwan ew?**

**A:** Ewe metric data an sukun ekan fis angangan iteiten Sarinfan iwe pwan ina atun angangen kuta tettenin koukun efeiengawen ewe semwen ngeni ekkewe sopw. Ka tongeni kuna an epwe pacheta an OHA iwe website ren COVID-19.

Ewe ewin wiik ina ena "wiiken esinesin." Ese wor mwokutukutun me ekkesiwinin koukun efeiengawen ewe semwen ngeni ekkewe sopw won an OHA me [ofesin Kepina](#) iwe website.

Ewe oruwen wiik ina ena "wiiken mwokutukut." Ewe data a pwan for angangan non Sarinfan. Ewe ofesin Kepina a esinesin ngeni ekkewe sopw ika pwe ir ra ururun pwe repwene ekkesiwin seni ew tetten ngeni pwan ew tetten anongonong won met minafon data mei wor. Ewe ofesin kepina epwene pwan atoura an pworous won asepan ika pwe mei wor ekkesiwin mei fis. Ewe sopw epwe pwoputani an angangen mwokut seni ew tettenin koukun efeiengawen ewe semwen nesopwonon ewe wiik.

**Toureochnun taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Porousen Health won 1-971-673-2411, 711 TTY ika [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us)